



Sarajevo, 14.05.2020. godine
Broj: 06-06-2-594-3-8/20

Predmet: Poziv na online seminar (webinar) – Elektronske javne nabavke

Poštovani/a,

Vanjskotrgovinska komora Bosne i Hercegovine i Agencija za državnu službu Bosne i Hercegovine pozivaju zainteresirane uposlenike bh. kompanija i državne službenike na trodnevni webinar na temu „**Elektronske javne nabavke**“, koji će se održati **od 19. – 21.05.2020. godine** od 13:00 do 14:30 sati. Riječ je o nastavku uspješne suradnje između Agencije za državnu službu BiH i Vanjskotrgovinske komore BiH, koji su u proteklom godinama uspješno organizirali dva ciklusa škole „Ekonomska diplomatija“ u Sarajevu i Banja Luci. Ciljna grupa webinaru su uposlenici bh. kompanija, predstavnici poslovne zajednice i državni službenici.

Predavač

Predavač na webinaru je Brankica Šarić, doktor ekonomskih nauka. Trenutno zaposlena u JP Autoputevi Republike Srpske d.o.o. Banja Luka kao lice ovlašteno za finansijsko upravljanje i kontrolu. Certificirani je trener za javne nabavke. Posjeduje certifikat trenera od Međunarodnog centra za obuku iz Torina. Ima više objavljenih stručnih članaka u međunarodno indeksiranom naučno-stručnom časopisu Poslovni konsultant.

Sadržaj webinaru

Pojam i značaj e-nabavki; Razvoj e-nabavki u BiH; Nove funkcionalnosti Portala; Javni dio Portala: Registracija, Pretraga obavještenja, Pretraga ugovornih organa i ponuđača, Odluke URŽ-a BiH i Suda BiH; Postupci, obavještenja i izvještaji: Kreiranje i upravljanje postupcima, Objava obavještenja, Godišnja obavještenja, Unos i dostava izvještaja; Objava tenderske dokumentacije na Portalu: Objava tenderske dokumentacije, Višefazni postupci, Praćenje preuzimanja tenderske dokumentacije, Objava izmjene i dopune tenderske dokumentacije; e-Aukcija: Pravilnik o uslovima i korištenju e-Aukcije, Zakazivanje i provođenje aukcije, Izmjena i otkazivanje aukcije, Praćenje aukcije, Nastavak postupka nakon aukcije, Najčešće greške i problemi sa kojima se susreću korisnici Portala javnih nabavki.

Cilj obuke

- Stjecanje znanja, vještina i sposobnosti u primjeni i provođenju Zakona o javnim nabavkama, u smislu korištenja dostupnih elektronskih sredstava;
- Upoznavanje sa Portalom javnih nabavki (www.ejn.gov.ba), te mogućnostima koje isti pruža;
- Upoznavanje sa procesom kreiranja postupaka, objave obavještenja i dostave izvještaja na Portalu javnih nabavki;
- Upoznavanje sa e-Tenderingom i e-Aukcijom;



- Upoznavanje sa najčešćim problemima i greškama sa kojima se ugovorni organi susreću prilikom rada na Portalu javnih nabavki.

Očekivani ishodi

Efikasnije i transparentnije provođenje javnih nabavki kroz elektronsku objavu obavještenja, objavu tenderske dokumentacije i provođenje e-Aukcije. Smanjenje grešaka u korištenju Portala javnih nabavki.

Prijava i pristup

Učešće na webinaru je **besplatno** za uposlenike bh. kompanija koji izvrše prijavu popunjavanjem [online prijavnog obrasca VTK BiH](#), najkasnije do 18.05.2020. godine u 14:00 sati. Broj učesnika je ograničen, zbog čega se preporučuje blagovremena prijava.

Webinar će biti održan preko Adobe Connect platforme. Za pristup webinaru preko PC/laptop računara nije obavezan, ali se preporučuje download Adobe Connect aplikacije zbog boljeg kvaliteta prijenosa audio i video sadržaja. Svim prijavljenim polaznicima će na dan održavanja webinaru biti dostavljen link za pristup webinaru i uputstvo za preuzimanje Adobe Connect aplikacije. Korisnicima mobilnih telefona i tableta se preporučuje da prije webinaru izvrše download (besplatne) Adobe Connect aplikacije na Google Play i App Store-u. Državni službenici se prijavljuju na webinar putem Informacionog sistema za upravljanje procesom organizacije obuke (TMS) na <https://www.ilearn.gov.ba>

Kontakt za više informacija

Kontakt osoba za uposlenike bh. kompanija je gospodin Mirza Konjo, saradnik za edukaciju u VTK BiH (033/566-204; mirza.konjo@komorabih.ba).

U nadi da ćete prepoznati značaj webinaru, te svojim učešćem uveličati organizaciju istog, srdačno Vas pozdravljam i ostajem

S poštovanjem,

Dr.sc. Elma Kovačević-Bajtal
Sektor za edukaciju VTK BiH
Direktorica